

زوالی قافقاسیا ، فریاد ایدیور ، اعتزال ایدن تورکیلره سرزنشلرده بولونیور . فقط هبات ا آرتیق بو فریادلر بزم قولانمز کیرمیور . بزم شرق ایله ، حق حدودیمزدن بر آدیم کراسی ایله هیچ بر علاقمز یوقدر ا شیمدی بز غریبه توجه ایتدک . یکی شمارمز « بلاقید و شرط غریبلاشمق » در . عفو ایدرسکمز ، اما آرتیق بزم سزکله مشغول اولاجق و قتمز یوقدر . هم بز بویه آحقیل شیلر ایشیتیمک ایسته میورز . کوزل دانس بیلیرسه کز تقسیمده کی بالویه کلیمز ، اوراده کوروشورز . یاخود روس موسیقیدندن کوزل پارچه لر تغنی اید ، جک مغنیه لریکمز وارسه اوجاغه کتیریکنز ، اوراده دبکلرز . سزه کیم دیمش که « تورکک جوشماور ؟ » بر بالومزده ، بر قونسرمزده بولوندیکنزده اراز ایتدیکنز هنرلی کور ، دیکزمی ؟ دها ناصیل جوشقونلق کوسترم ؟ سزک استقلالکیزی ، ترکیکیزی ایسترز . اما تورکیلک شیمدی خیال آرقه سندن قوشه ماز . او حقیقت یولی طوتمشدر . بزغریبه کیدیورز . قافقاسیاده ، یاخود بخاراده کی تورکرلر ایسترسه آرقه سندن کاسونلر . الله ایصهارلادی عزبز دوستلر ! ...

رسیده آمیور نرلمکسی

۱۹۲۱ سنه سنده روسیه یی ، بالخاصه شمال تورکلرینک ساکن اولدیی حوالی یی ، قاصوب قارو ان آچلق بو سنه دخی باش کوسستمشدر . روسیه ده اکیلرک یتشمسی ایچون الزم اولان نیسان و مایس یاغموورلری بوسنه هیچ یاغمدیغندن و اوزربنده مدھش و امثالسز صیجاقلر حکم فرما اولدیغندن و ولغا نهرینک جنوب قسمی ایله قفقاسیه نك شمالی و جنوبی روسیه ده بوتون محصول قورومشدر . اوراده کی اهالی شمعی بغدادی و جادار صابری صمان مقامنده قوللانمق اوزره بیچورلر . بواشه ویک دیارنده بوقورافلک دوامی مدھش بر آفت سماویه در . بر طرفدن بولشه ویکلر ، دیگر طرفدن آفات سماویه قرجه روسیه نك آلتی اوسته کتیره جک غالباً . آزعین ملتار اوزربنه تسلیم ایدیلن بلالردن بری ده آچلقدر . یروزنده دینلر قارش اعلان حرب ایدن بواشه ویکلرک اوغرادقلری بوبلا هر حالده بر بلای آسمایدر . یولی شاشیران انسانلر ایچون نه بویوک عبرت لوحه لری . فقط عبرت آلاچق کوز ، منبه اولاجق قفانزده ... ؟

تصحیح . — ۶۰۷ نجی نسخه سنک ۱۴۴ نجی صحیفه سنده برنجی ستونک ۲۰ نجی سطرند (بر رابطه ازیلیدن) جله سنده (بر) فضله در . ۲۳ نجی سطرند (فیض حقیقتدن) (فیض حقیق دن) اوله جقدر . ایکنجی ستونک ۱۸ نجی سطرند کی (اشعار مذهبی) یا کلدشدر ، طوغروسی (اشعار مذهبی) در . ۲۹ نجی سطرند کی (نصیرالدین طوسی) ده (نصیرالدین طوسی) ده تصحیح اولونماید .

شهرزاده باقی : اوقاف اسلامیه مطبعه

نه زمان مسلمانلر کوزلرینه چکیلن غفلت پرده لری بیرتوبده حقیقی کوره بیامک قدرتی اکتساب اید . جکله ، نه زمان دوستلرله دشمنلری ، حقیقی مؤمنلرله منافقلری سجه بیله جکله ، نه زمان حقه صاریلوب باطلی رد اید . جکله ... ایشته آنجق اووقت فلاح بوله بیله جکله در . والا ، بنیان اجتماعیه یی وزیر اوله جق ، نه شعائر ملیه قاله جق ، نه ده ارکان دینه . چوجقلری حضرت محمدک رینه له نینک مناقبی ، اساسات اسلامیه رینه قارل مارقسک پرنسیپلری بلایه جکله ؟ قیزلری جامعه بدل تیارولرله کیده جکله ، شانولرله آقتریسک اید . جکله ، یا بائجیلرله قول قولده دانس اید . جکله ، ارککلرله برلکده حاملرله کیده جکله ... الخ ... اوزمان هیچ کیمسه ده قباحث بولاملیدر .

(ان الله لا یغیر ما بقوم حق یتغیروا ما بانفسهم و اذا اراد الله بقوم سود فلا مردله و مالهم من دونه من وال . و اذا اردنا ان نهلك قرية امرنا مترفها ففسقوا فيها فحق علیها القول فدمرناها تدمیرا .)

تورکیلک بویومی اوله جقدری ؟

یکی قافقاسیا غزیه سنک نورکیلره قارش سرزنشلی

صوک چیقان یکی قافقاسیا غزیه یی بولشه ویکلرک آذربایجاد کی ظلم و وحشتلرینه تخصیص ایتدیکی باش مقاله ده آذربایجاندن آلدینی بر مکتوبی نشر ایدیور . مکتوبده دنیلورکه :

« ... ی اعتراف « ذنوب » ایتک و آرقداشلری کوسستمک ایچون آلاغی دمیرقاوارسه قویشلر (بوقابو اشکنجه یا بقی مقصدیه مصنوع آفر بر دمیور پارچه سندن عبارتدر) و بوتون قوتلریله تضییق ایدره ک زوالیدن اسرار آلمق ایسته مشلدر . فقط بوقهرمان آرقداش دمیرقابونک طوبوق کیکنی آزمه سنه رغماً ، ابراز متانت آله مش ، برکله سویله مددن بایلمش و پیهوش اولدینی حالده کوتورلشدر . محبوسلردن سر آلمق ایچون ظالمک قوللاندینی اشکنجه اصوللردن بریسه صوسز براققدر . محبوسلر کونلرله صوسز براقیلدندن صوکره کندیلرینه براردق صو ویریلور ، ایچمک ایسته دکری آنده ، تکرار اللرندن آله زق ایسته نیلن اسراری ویرلرله کندیلرینه صو ویریله جکی اخطار اولونیور »

یکی قافقاسیا بولشه ویکلرک تورکلره قارش روا کوردکلی مظالم و اشکنجه لری تفصیل ایتدکن صوکره تورکیاده کی تورکیلره توجه خطاب ایله دیورکه :

« فقط بو تورک وطننه مربوط ، بوقارداش مملکتله علاقه دار بوراده حساس بر محیط یوقیدر ! ... »

نرده ملیت ، نرده قارداشلق ، نرده املداشلق حسلرینک اولوی جلوه لری ! ؟ نهدن تورکک جوشماور ؟ نهدن اک فداکار آذری کنجلیکی ، دنیاده بر کیمسه یی یوقش کی ، بیک درلو مظالم معروض قالیور ! ؟ ... نهدن بوقارداش مملکتدن کندیسنه معنوی برندای استمداد بیله ایشیتدیریله یور ! ؟ تورکیلک بویومی اوله جقدری ! ؟ تورکیه مطبوعاتی بویومی طوراجقدری ! ؟ »